

Règlement d'utilizacion de **Adistancia**

Adistancia es una plataforma de visio-conferéncia bailejada pel pòl de formacion occitan.

Porgís un servici als usatgièrs de las associacions seguentas :

CFPO, APRENE, ISLRF, Federacion Lengadòc Calandreta, amai a de partenaris identificats.

4 espacis son dobèrts, cada espaci es jos l'aflat dels responsables de l'associacion.

Demandam a cada usatgièr de **Adistancia** de s'avisar qu'un acamp en visio-conferéncia es plan diferent d'un acamp en presencial. Exigís una etica reforçada cap al respècte dels autres e cap a la proteccion de las donadas.

Las règlas de cooperacion e de responsabilitat en usatge dins los establiments Calandreta valon tanben per **Adistancia**:

- un president es causit o designat.

A lo lagui del respècte dels oraris e de la securitat de las personas. Dobrís e clava l'acamp. Aquò val per totas las formas d'acamps.

- se s'agís d'un conselh, fa respectar las leis :

- escoti lo que parla,
- demandi la paraula (en levar la man a la camera),
- me trufi pas (respecti lo mond)
- çò que se ditz al conselh sortís pas, levat decision del conselh.

a prepaus d'aquela darrièra lei (e aquò val per totas las sesilhas dins **Adistancia**) los participants, en dintrant dins lo salon que lo president o responsable li a mandat lo ligam, s'engatjan a **enregistrar pas, de cap de biais**, l'imatge o lo son de la visio-conferéncia.

Una aisina d'enregistrament es a posita. Los participants a una sesilha pòdon decidir d'enregistrar, a condicion :

- d'obténer l'autorizacion plena e entièra de totes los participants.
- que lo president siá d'acòrdi.

Lo ligam de l'enregistrament serà mes a posita del president, que lo deurà mandar a totes los participants.

Tot mandadís del ligam a d'autres personas (que deuràn èsser clarament nomenadas) serà argumentat e somés a l'assentiment de totes.

Tota difusion internet es enebida.

Maj 10-3-2020